

ত্রিপুরা সরকার
তথ্য ও সংস্কৃতি অধিকার

স - ২১২৮

আগরতলা, ২৪ অক্টোবর, ২০১৯

নির্দিষ্ট সময়সীমার মধ্যে ও গুণমান বজায় রেখে
নগরোন্নয়নের বিভিন্ন প্রকল্পের কাজ শেষ করতে মুখ্যমন্ত্রীর নির্দেশ

মুখ্যমন্ত্রী বিপ্লব কুমার দেবের পৌরোহিত্যে ত্রিপুরা আরবান প্ল্যানিং এন্ড ডেভেলোপমেন্ট অথরিটির বোর্ড মিটিং আজ মহাকরণের এক নং সভাকক্ষে অনুষ্ঠিত হয়। সভায় ত্রিপুরা আরবান প্ল্যানিং এন্ড ডেভেলোপমেন্ট অথরিটির বিভিন্ন প্রকল্পের বর্তমান অবস্থা এবং শহর এলাকার উন্নয়নে গৃহীত পদক্ষেপ নিয়ে বিস্তারিত আলোচনা এবং সিদ্ধান্ত গৃহীত হয়। সভায় আগরতলা পুর নিগমের মেয়র ড.প্রফুল্লজিৎ সিনহা, বোর্ড এর ভাইস চেয়ারম্যান তথা মুখ্যসচিব ইউ ভেস্টেশ্বরালু ছাড়াও নগরোন্নয়ন দপ্তরের বিশেষ সচিব কিরণ গিত্যে, অতিরিক্ত সচিব ও অধিকর্তা মিলিন্দ রামটেকে ও অন্যান্য আধিকারিকগণ উপস্থিত ছিলেন।

মুখ্যমন্ত্রী শ্রীদেব নির্দিষ্ট সময়সীমার মধ্যে নগরোন্নয়নের যেসব প্রকল্প এবং কর্মসূচি নেওয়া হয়েছে তা দ্রুততার সাথে গুণমান বজায় রেখে সম্পন্ন করার পরামর্শ দেন। এছাড়া প্রকল্প সমূহ রূপায়ণের ক্ষেত্রে যেসব সমস্যা রয়েছে তার নিরসন করার উপরও তিনি গুরুত্ব আরোপ করেন। ত্রিপুরা আরবান প্ল্যানিং এন্ড ডেভেলোপমেন্ট অথরিটির বোর্ড মিটিং-এ পুরানো জেলখানা এলাকায় আই টি পার্ক, আধুনিক হোটেল নির্মাণ এবং হাউসিং কমপ্লেক্স নির্মাণের জন্য কনসালটেন্সী নিয়োগের বিষয়ে সিদ্ধান্ত নেওয়া হয়। বিবেকানন্দ মার্কেট এলাকা, নন্দননগর এলাকা এবং ভগৎ সিং যুব আবাস সংলগ্ন আরবান ডেভেলোপমেন্টের নিজস্ব জায়গায় টাউনশীপ প্রকল্পের কাজ রূপায়ণের জন্য ঠিকাদার নির্বাচন সংক্রান্ত বিষয় নিয়ে বিস্তারিত আলোচনা হয়।

তাছাড়া এশিয়ান ডেভেলোপমেন্ট ব্যাঙ্কের আর্থিক সহায়তায় রাজ্যের ৭টি জেলার সদর দপ্তরে পরিকাঠামোর উন্নয়ন করা হবে। এই প্রকল্পে এ ডি বি ১৬৫০ কোটি টাকার অনুমোদন দিয়েছে। ইতিমধ্যেই এ ডি বি'র কাছ থেকে প্রজেক্ট রিসোর্স ফিন্যান্সিং হিসাবে ১৭.৭৫ কোটি টাকার অনুমোদন পাওয়া গেছে। প্রকল্পটি রূপায়ণের জন্যে ইতিমধ্যেই ডোনার মন্ত্রক, মিনিষ্ট্রি অব ইকনমিক অ্যাফেয়ার্স, কেন্দ্রীয় স্বরাষ্ট্রমন্ত্রক, গৃহ ও নগরোন্নয়ন মন্ত্রক এবং নীতি আয়োগের ক্লিয়ারেন্স পাওয়া গেছে।

২য় পাতায়

শীঘ্রই এশিয়ান ডেভেলোপমেন্ট ব্যাঙ্কের এক প্রতিনিধিদল রাজ্য সফর করবেন বলে বৈঠকে জানানো হয়।

এশিয়ান ইনফ্রাস্ট্রাকচার ইনভেস্টমেন্টের আর্থিক সহায়তায় আগরতলা পুর নিগম এলাকার প্রস্তাবিত পরিকাঠামো উন্নয়ন প্রকল্প নিয়ে আলোচনা হয়। বৈঠকে জানানো হয়, গত ১৪ থেকে ১৮ অক্টোবর এশিয়ান ইনফ্রাস্ট্রাকচার ইনভেস্টমেন্ট ব্যাঙ্কের একটি প্রতিনিধিদল আগরতলা সফর করেছেন। এ বিষয়ে ১৩৪২.৬৪ কোটি টাকার একটি প্রাথমিক প্রকল্প পাঠানো হয়েছে। কেন্দ্রীয় অর্থমন্ত্রকের অধীন ডিপার্টমেন্ট অব ইকোনোমিক অ্যাফেয়ার্স গত ২৩শে অক্টোবর এর অনুমোদন দিয়েছে। তবে নীতি আয়োগ এবং ডোনার মন্ত্রকের অনুমোদনের অপেক্ষায় রয়েছে।

পি এম এ ওয়াই (আরবান) এই প্রকল্পের অধীন আখাউড়া গোলচক্কর এলাকায় লাইট হাউস নির্মাণ প্রজেক্টের জন্য কেন্দ্রীয় গৃহ ও নগরোন্নয়ন মন্ত্রক কনসালটেন্সি এজেন্সী নিয়োগের জন্য দরপত্র আহ্বান করেছে। এছাড়া বিভিন্ন প্রকল্প রূপায়ণের ক্ষেত্রে যে যে সমস্যা রয়েছে তা দ্রুত নিরসনের বিষয়ে আলোচনা হয় এবং সিদ্ধান্ত গৃহীত হয়।

উল্লেখ্য, এবছরের ৩০ জানুয়ারি ত্রিপুরা আরবান প্ল্যানিং এন্ড ডেভেলোপমেন্ট অথরিটি গঠিত হয়। মুখ্যমন্ত্রী বিপ্লব কুমার দেব এর চেয়ারম্যান। রাজ্যে নগরোন্নয়নের ক্ষেত্রে সকল শহর ও শহরতলী এলাকাগুলির পদ্ধতিগত ও পরিকল্পিত উন্নয়নের জন্য ত্রিপুরা আরবান প্ল্যানিং এন্ড ডেভেলোপমেন্ট অথরিটি গঠন করা হয়।
